

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

hundert vnd zwelff iar vnd starb. Enos aber lebet .lxxx. iar vñ gepar caynan. nach des gepurd lebet er acht hundred vnd funffzehen iar vñ gepar sün vnd töchter. vnd alle dye tag enos seyn worden newnhundert vnd funff iar vnd starb. Vnd caynan lebet sibentzig iar vnd gepar malalehel. vñ caynan lebet darnach. do er gepar malalehel acht hundred vñ viertzig iar vñ gepar sün vñ töchter. vnd alle die tag caynan wurden newnhundert vnd zehen iar vñ starb. Wan malalehel lebet funff vñ sechtzig iar vnd gepar iared. vñ malalehel lebet darnach. do er gepar iared acht hundred vñ dreissig iar. vñ gepar sün vñ töchter. vnd alle die tag malalehel wurden acht hundred vñ funff vñ newntzig iar vnd starb. Vñ iared lebet hundred vñ zwey vñ sechtzig iar. vñ gepar enoch. vñ iared lebet darnach do er gepar Enoch acht hundred iar vnd gepar sün vnd töchter vnd alle die tag iared seyn worden newnhundert vnd zwey vñ sechtzig iar vnd starb. aber enoch lebet funff vñ sechtzig iar

vñ gepar mathusalē. vñ enoch gieng mit got. vñ enoch lebet darnach do er gepar matusalē drey hundred iar vñ gepar sün vnd töchter vñ alle dy tag enoch wurde gemacht. dreyhundert vñ funff vñ sechtzig iar. vñ er gieng mit got vnd erschyn mit. wan got der nā oder erhube in. Vñ matusalē lebet hundred vnd siben vñ achtzig iar. vnd gepar lamech vñ mathusalē lebt darnach do er gepar lamech sibenhundert vñ zwey vñ achtzig iar. vnd gepar sün vnd töchter. vnd alle dye tag matusalē wurden newnhundert vnd newn vnd sechtzig iar. vnd starb. Wann lamech lebet hundert vnd zwey vnd achtzig iar. vnd gepar eyne sün. vñ hieß sei namē noe sagend. Der wirt vñ tröstē vñ dē arbeitē vñ vñ dē werckē vnser hend i der erde. der. der. herz hat gestücht. vnd lamech lebt darnach. do er gepar noe funffhundert vñ funf vñ newntzig iar vñ gepar sün vñ töchter. vñ alle dy tag lamech wurde sibēhundert vñ sibē vñ sibētzig iar vñ starb. Noe aber do er alt ward funf hundert iar do gepar er sem cham vñ iaphet



Das .VI. Capitel. wie
got der herr vmb boßheit willen der menschen die werlt hieß vergeen in dem wasser vnd hieß noe ein archen machen sich vnd die seynen dar yn zuenthaltē.

Vnd do dye menschen hettē angefangē manigfaltig zewer dē auf der erde vñ hettē geborn töch

ter. Die sün gotz sahē dy töchter der menschen dz sy warē schön sy namē in weyber auß allē dē die sy erwelten. Vñ got der sprach. Mein geist wirt nit beleybē in den mensche ewiglich. wan er ist fleisch. Vñ dy tag werden zwaintzig vñ hundert iar. Vñ i dē tagē warē ryfen auf der erde. Vñ darnach do dy sün gottes warē eingangē zu dē töchtern der mēschē. vñ dy gebarē dyß sein dy gewaltigē vñ der welt der berümtē man. Do aber got sah dz vil vñ bels der mensche